



Broj predmeta: 13-000853/23
Broj akta: 01.1-1528ZN-0021/23
Datum, 31. 7. 2023.. godine
Mjesto, Brčko

Na osnovu člana 17 stav (2) Zakona o Vladi Brčko distrikta BiH («Službeni glasnik Brčko distrikta BiH», brojevi: 22/18 - prečišćeni tekst, 49/18, 08/19, 10/19 i 32/19), u skladu s članom 25. Zakona o javnim nabavkama («Službeni glasnik BiH», broj 39/14 i 59/22), člana 24. stav (3) Instrukcije o organizaciji i internom postupanju u postupcima javnih nabavki u Brčko distriktu BiH broj:02-000209/22 od 18.1.2023. godine („Službeni glasnik Brčko distrikta BiH broj: 3/2023), Zapisnika o pregledu i ocjeni ponuda sa preporukom Komisije za javne nabavke broj: 13-000853/23 od 26.7.2023. godine i Mišljenja Pravobranilaštva Brčko distrikta BiH broj:M-792/23 od 31..2023. godine, gradonačelnik Brčko distrikta BiH d o n o s i,

ODLUKU O IZBORU NAJPOVOLJNIJEG PONUĐAČA

Član 1.

(1) U provedenom otvorenom postupku, međunarodni vrijednosni razred, za nabavku pokretnog mamografa za potrebe Odjeljenja za zdravstvo i ostale usluge, Pododjeljenje za javno zdravstvo Vlade Brčko distrikta BiH, izabran je najpovoljniji ponuđač kojem se dodjeljuje ugovor.

Naziv najpovoljnijeg ponuđača je **GRUPA PONUĐAČA „MEDICAL“ d.o.o. Mostar i „MRM“ export-import d.o.o. Ljubuški.**

Vrijednost ugovora sa uračunatim PDV-om iznosi

599.742,00 KM.

Član 2.

Postupak je proveden na osnovu Odluke o pokretanju postupka javne nabavke broj: 13-000853/23 od 27.3.2023. godine, Obavještenja o nabavci na portalu javnih nabavki broj: 1157-1-1-105-3-238/23 od 5.4.2023. godine, specifikacije robe u vezi sa Tenderskom dokumentacijom broj: 13-000853/23 i ponuda ponuđača.

Član 3.

Finansiranje navedene nabavke će se izvršiti iz kapitalnog budžeta za 2023. godinu, organizacioni kod 19020001, ekonomski kod 821300, pozicija: „Nabavka opreme – Nabavka pokretnog mamografa“.

Obrazloženje

Komisija za nabavke je nakon izvršenog otvaranja ponuda konstatovala da su dostavljene dvije ponude, sljedećih ponuđača: „Siemens Medicina“ d.o.o. Sarajevo i Grupa ponuđača „Medical“ d.o.o.

Mostar i „MRM“ export-import d.o.o. Ljubuški. Sastavni dio odluke čini zapisnik sa otvaranja ponuda i zapisnik o pregledu i ocjeni ponuda. Komisija je ustanovila da je ponuda ponuđača „Siemens Medicina“ d.o.o. Sarajevo nije naeo iznos ponude brz PDV-a ni iznos PDV-a, kao ni ukupnu cijenu sa uračunatim popustom i PDV-om u tački 3 Izjave ponuđača. Osim toga, u ponudi je dostavljen draft (ne original) kataloga za mamograf, ali ne i za ponuđeno vozilo (samo navedeno na str. 14 ponude da je u cijenu uključeno vozilo prema traženim karakteristikama ugovornog organa bez ikakvih drugih navoda. Ponuda je ocijenjena kao nepravilna i neprihvatljiva. Stručno mišljenje Odjeljenja za zdravstvo i ostale usluge koje se odnosilo na karakteristike ponuđene opreme je bilo da ponuda ponuđača „Siemens Medicina“ d.o.o. Sarajevo ne zadovoljava zahtijevane karakteristike iz specifikacije. U mišljenju je navedeno da u sklopu tenderske dokumentacije na stranicama 32-36 nalazi dokument: „Tehnička specifikacija vozila opremljenog digitalnim mamografskim uređajem“ u kojem se traži da ponuđači obilježe „Tip/model i proizvođača ponuđenog uređaja-mamografa, te da u tabeli pored opisa tehničkih karakteristika za mamograf jasno naznače broj stranice u tehničkoj dokumentaciji na kojoj se svaka pojedinačna tačka tehničke specifikacije nalazi kao i da li ta određena tačka zadovoljava tražene tehničke karakteristike ili ne. Ponuđač „Siemens Medicina“ d.o.o. Sarajevo je propustio uraditi kako je to zahtijevano, odnosno nije dokazao traženo zadovoljavanje tačaka tehničke specifikacije. Osim toga, u ponudi ponuđača „Siemens Medicina“ d.o.o. Sarajevo na stranici 14 je navedeno sljedeće: „u ponudu je uključeno vozilo prema traženim tehničkim karakteristikama bez navođenja tipa, modela ili brošure vozila“, te bez označavanja tih karakteristika tako da zadovoljavanje tehničkih karakteristika nije dokazano. Nije bilo računskih greški u dostavljenim ponudama. Kako je dostavljena samo jedna prihvatljiva ponuda nije bilo uslova za zakazivanje e-aukcije. Nije bilo elemenata neprirodno niske cijene ponuda. Iznos najpovoljnije ponude je bio u okviru procijenjene vrijednosti nabavke. Komisija je u skladu sa kriterijem najniže cijene dostavila preporuku o dodjeli ugovora najpovoljnijem ponuđaču u postupku nabavke.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Gradonačelniku,
4. Odjeljenju za zdravstvo i ostale usluge
- Pododjeljenju za javno zdravstvo,
5. Arhivi.

